

Til Alver kommune

Høyringsuttale til vedtekter for kommunale barnehagar i Alver kommune, sak 19/1533

Utdanningsforbundet Alver har følgjande merknadar til høyringsforslaget:

I samband med økonomiplanprosessen før jul, kom Utdanningsforbundet Alver med innspel på at budsjetta i barnehagane i kommunen er kritisk låge. Kvaliteten på tenesta er mykje dårlegare enn den burde vore. Dei tilsette melder om ei bemanning som, med ein gong nokon er sjuke eller i møte eller på kurs, er så låg at det går på borna si sikkerheit laus. Pedagogar meldar om at ei stor del av planleggingstida forsvinn, då dei ikkje kan forlate ungane på avdelingane. Sentrale og lokale satsingar blir ikkje følgt opp, born med særskilte behov får ikkje god nok tilrettelegging, og foreldremøte og –samtalar er ikkje godt nok førebudde.

Når økonomien og bemanninga i barnehagane er så pressa, er det for Utdanningsforbundet Alver ikkje mogleg å forstå at kommunen gjennom dei føreslåtte vedtektene vil fjerne maksimaltiden for borna i barnehagen, og å auke opningstida for alle barnehagane til 10 timar dagleg. Begge desse endringane vil føre til at bemanninga blir «smørt endå tynnare utover», og vil auke presset og senke kvaliteten ytterlegare.

Utdanningsforbundet Alver meiner at ein føresetnad for å kunne gjere desse endringane i vedtektene, er at det på førehand er budsjettert med auka bemanning. Når dette ikkje er tilfellet, bed vi om at alle barnehagane held frå med noverande opningstider, og at maksimaltida for alle barna i barnehagane blir sett til 9 timar pr dag, sånn som dei har i Lindås og Radøy i dag.

For Utdanningsforbundet Alver

Jarle Næss
Hovudtillitsvald